

## SESVETA NA GRUOBLJU VU GRAČANE

Če se nešče nije cijele lete zmislil svojije pokojni, onda je te bile za Sesveta. Doma sme napravili vienec od ruožī, na zafrknute šibe z drotē povezane. Deli sme male bršljana, male borovine, a če nije bile dosti ruožī, pak sme je napravili od krep papiera. Onda se nije tak kupovale kak denes. Same su se kupile sviječe i bakre. Bakre su bile velike sviječe, duge i po pol metra. Vu jne je bila špaga, a zvana je bila zalejana z voskem. Bakre sme zapiknuli na grob vu zemlju, kak onda nije bile pune spomenikov. One su jake duge gorele, pak je navečer na gruoblju bila velika svetlost. Pod večer je išla prošecija od cirkve do gruoblja, pak se je molile za naše pokuojne, a zvoni su zvonili kaj da se plačeju za nešem mrtvem. Deca su pak pecikali po gorečem bakrem z šibu, da bu vekši ogen kaj su se greli. Bile je dosti zima, pak sme imeli na sebe salviete, a muški surine ili kapute i škrlake.

Za obed je bil običaj da se speče pura ili guska z mlinci. Zaleje se z moštem. Bile je i orenjače i makovnjače, tienke gibanice, štruklov, krua z krušne peči. Nekteri su imeli krvavic i pečene svinjetine z šalatu z polevem. Kaj je duoj imel – tak si je najbole priredil. Za Sesveta su i tak i tak rekli da je mali Božič!

**Marija Vinšek**